

## Rinanoan kanoan te reirei

### Te reirei

1. E reireinira te bwai ni kabane aika ti riai n atai n te aro bwa tin a kona ni karaoa ae tangiria te Atua
2. Ti riai n tou mwin ana taeka Kristo n te Nutetemanti ao n aki ikotia ma te tua n te Otetemanti
3. Te ongotaeka ni koaua boni karaoan ae tangiria te Atua ao akea riki
4. Uean te Atua bon ana ekaretia Iesu are e kateia

# Reirei 5 -Noran te ekaretia bwa titebo ma Uean te Atua

## Ebeto 1:22-23

22 Ao E kaki bwai ni kabane iani waeni Kristo, ao E anga bwa te 23 atu iaoni bwai ni kabane, nakon te ekaretia, are rabwatana, are onrakena, are onraken Teuare kaoni bwai ni kabane n tabo ni kabane

## Ebeto 4:4

Ti teuana te rabwata, ao ti temanna te Tamnei, n aiaromi ngkai kam weteaki n te kantaninga are ti teuana, are bwaini weteami.

## Ebeto 5:23

Bwa atun te aine te mwane, n aiaron naba Kristo ngkai atun te ekaretia, are rabwatana, ao boni Ngaia ana Tia Kamaiu.


1. Te ekaretia e atongaki bwa raan Iesu?  
A. Rabwatana  
B. Natina
2. Iraua rabwatana ngkanne?  
A. Mwaiti  
B. Teuana
3. Ngkana te ekaretia rabwatana ao ti teuana rabwatana iraua ngkanne te ekaretia?  
A. Mwaiti  
B. Teuana

4. Antai atua te ekaretia?  
A. Iesu Kristo  
B. Bwauro
5. Iesu Kristo bon teTia Kamaiu n te rabwata raa?  
A. Rabwan aia aro aomata  
B. Rabwatana
6. Ao Ngai te Tia Kamaiu aia ekaretia aomata ke bon ana ekaretia?  
A. Aia ekaretia aomata  
B. Oin ana ekaretia

## KRISTO BON ATUN TE EKARETIA

Te boki ae Ebeto e taekina te ekaretia bwa ti teuana. Ma ngkai a rangi n rawata botaki n aro n te aonaba. Ao e bon riari ao e kakawaki bwa e na kakaekaki raoi te aro are E ana bwai Iesu Kristo are bon rabwatana n koaua.



## BON TI TEUANA ATUANA



Ao ngkai Iesu Kristo e kakoauaki bwa Ngaia atuan te ekaretia, ao bon ti Ngaia naba ae bairea taekan rabwatana. Ma ngaia are e kakawaki bwa tina rangi ni kakauaongo ao ni wareware n te Nu Tetemanti bwa ti aonga ni kina ao ni kunea are boni Ngaia raoi

## BON TI TEUANA RABWATAN

Ma ngaia are ngkana a bita te bwai teuana aomata n taekan te ekaretia, ao ngkanne ti na ataia bwa ai tiaki ana ekaretia Kristo anne, ao e kona n taraki ngkanne anne bwa ai bon aia bwai botakin aro tabeua are kairaki irouia bon raoia n aomata.



1. A 2. B 3. B

4. A 5. B 6. B

## Tera aran te ekaretia are koreaki ao ti noria n te Bwaibara?

### I-Rom 16:16

Kam na inga temanna ma temanna n te kaboria ae itiaki, a bane ni kani inga nako imi ana ekaretia Kristo.

### 1 Timoteo 3:15

Ma ngkana tao i kamanai n aki roko, bwa ko aonga n ata aroma ne riaia i buakoia kaini maneaban te Atua, ae a na ekaretia te Atua ae maiu, ae bouan te koaua ma aana.

### I-Ebeto 1:22-23

22 Ao E kaki bwai ni kabane iani waeni Kristo, ao E anga bwa te atu iaoni bwai ni kabane, nakon te ekaretia, are rabwatana, are onraken Teuare kaoni bwai ni kabane n tabo ni kabane.

### Mwakuri 20:28

Kam na taratarai ngkami ma te nanai ni kabanea are E kateingkami te Tamnei are raoiroi bwa mataniwi inanona, bwa kam na kamwarakea ana ekaretia te Atua are E kaboa n rarana.

**Tatanninga:** Kantanninga rokona

### Ana ekaretia Kristo

**Maneaban te Atua  
Rabwatani Kristo  
Ana ekaretia te Atua (Kristo)-  
Kristo  
Are E kaboa n rarana.**

**Ana bwai Kristo te ekaretia. Taian ara ake ti nori n te Bwaibara e kamatoaki bwa bon te tia bwaibwai iai. Mangaia are ti aki kona n atonga temanna bwa ana bwai ao n aranna bwa aran temanna ke tea ra teuana.**


7. Tera aran te ekaretia?  
A. Ana ekaretia Kristo  
B. Te Tembora

8. Tera aran te ekaretia ikai?  
A. Ana auti Betero  
B. Maneaban te Atua

9. Tera aran te ekaretia ikai?  
A. Rabwatan Kristo  
B. Umwan te Atua

10. Tera aran te ekaretia ikai?  
A. Tembora  
B. Ana ekaretia te Atua

11. Antai are E kaboa te ekaretia n rarana?  
A. Te Atua te Tama  
B. Te Atua te Nati



## **Kristo bon te atu. Ao tera ae taku te Baibara ibukin te rabwata?**

### **I-Biribi 1:1**

Bwauro ma timoteo, aika ana toro Kristo Iesu, nakoia ake a itiaki ni kabaneia, ake i nanon Kristo Iesu, ake a mena i Biribi, ma minita ma rikan: ami bwai te akoaki ma te raoi mairoun te Atua are Tamara ma te Uea are Iesu Kristo

12. Te reta e koreaki nakoia antai?
  - A. Aomata ni kabane aika itiaki i Biribi
  - B. Biribi
  
13. Atai karinanin aomata aika a taekinaki ikai?
  - A. Tarukaio ao Bwaritaio
  - B. Ebikobo ao Riikan

12. A 13. B

## Antai taian Ebikobo?

### Mwakuri 20:17, 28

17 Ao e kanakoa te aomata mai Mireto nako Ebeto ni weteia unimwanen te ekaretia.

28 Kam na tarataraingkami ma te nanai ni kabanea are E kateingkami te Tamnei are rairoi bwa mataniwi inanona, bwa kam na kamwarakea ana Ekaretia te Atua are E kaboa n rarana.

**Taratarai:** Tararuaia

**Tararuaia:** Kakamwarakeia

Greek	Latin	English	I-Kiribati
Episkopos	Bishop	Overseer	Mataniwi /Te tia tararua
Presbuteros	Presbyter	Elder	Te Unimwane
Poimien	Pastor	Shepherd	Te tia kawakin tibu/Te tia kamwarakea te Ekaretia n ana taeka te Atua

14. Antai are e weteia Bwauro mai Ebeto?  
 A. Abotoro  
 B. Unimwane
15. Te Tamnei are Rairoi e karikia unimwane bwa a na aera?  
 A. Mataniwi n te ekaretia  
 B. Unimwane
16. Tera katabeaiia ae riai bwa ana karaoia n te ekaretia?  
 A. Kamwarakea  
 B. Kitanna

I-Biribi 1:1 Te taeka ae Ebikobo e nako man te taetae ni Kuriki ae Ebitikoboti. Ni Mwakuri 20:28 ao te taeka naba aio, Ebitikoboti e raiki nakon te taeka ae Tararua ke Kawakinna. Te kibu 17 ao Bwauro e anga te kaetieti nakoia unimwane. Ebikobo, Unimwane, Tantarua, Beretibetati, Tanikawakin tiibu, Pastors, a bane n titebo nanoia ao aia mwakuri ke nakoia n te ekaretia.

**Unimwanen te ekaretia a tuangaki bwa taan tararua, ao tani kamanomano ao taani kakamwarakea te ekaretia. Mataniwi aikai tabeia ae kakawaki bwa ana tararua te marurung n tamnei inanon te ekaretia, ao ni kakoaua raoi bwa a karaoaki mwakuri n te aro ae eti ao e riai. (1 I-Korinto14:40) Aki karaoi babaire ke tuan te ekaretia unimwane. Boni Iesu Kristo ae atun te ekaretia ao E anganaki te mwaka bwa e tautaeka n te rabwata.**

**Aki kona n riki aomata ni kabane bwa unimwane. Te kaini baire ibukia unimwane e kona n noraki 1 Timoteo 3:1-7.**

### 1Timoteo 3:1-7

1E koaua te taeka ae kangai, Ngkana e tangira te nakoa ni minita te aomata, ao e tangira te mwakuri ae rairoi. 2 Ao aio aron te minita ae riai, bwa e na tai karaoa ae riai kabuakakana iai, e na buna te aine ae ti temanna, e na marurung, e na taua bangina, e na taua te aro ae riai, e na akoakoia irua, e na 3 rabakau n reireia aomata, e na taua bangina n te wain, e na tai kakai oro ma e na nimamannei, e na tai unun, 4 e na tai kani mwanemwane. E na taua aron oin ana utu n te aro ae rairoi, e na kamaia natina i aan ana taeka n te aro ae riai; 5 ma ngkana e babanga tauan aron oin ana utu te aomata, ao e na iranna ni kawakina ana ekaretia te Atua? 6 E aki riai n riki ni minita ngkana e a tiba Kristian, bwa e kawa ni kainikatonga mani bwaka inanon te kabureaki n aron te riaboro. 7 Ao e riai naba bwa e na atongaki bwa e rairoi iruia ake i ao; bwa e kawa ni bwaka inanon te taetaebuakaki ma ana kai ni katebe te riaboro

14. B 15. B 16. A

## Antai tain Rikan?

### **Mataio 23:11**

Ao ane kakanato riki ibuakomi ao e na riki bwa ami tia mwakuri

**Te taeka ae Rikan e nako man te teatae ni Kuriki ae diakoneo. Ao nanona te tia mwakuri ibukia raona. Ni kabane taan ririmwin Iesu bon tani mwakuri ibukia raoia nako. Ma, aki kona n riki aomata nako bwa taian Rikan ke n taua te nakoa n Rikan. Bwa te kaetieti ibikin tauan te nakoa n Rikan e reke n te 1 Timoteo 3: 8-13.**

### **1Timoteo 3:8-13**

8 Ao ai aroia naba rikan, ana taua te aro ae riai, ana tai wi-uoua, ana tai ninima te wain ae bati, ana tai kani bwaibwai n te aro ae aki 9 riai; ana taua bukin te baere raba are te onimaki ni mataniwin nanoia 10 aika itiaki. Ao ana kataki naba moa aikai bwa ua ra; ao rimwi ana 11 rikan, ngkana aki kabuakakaki. Ao airoia naba aine, ana taua te aro ae riai, ana tai winanti, ana taua bangia, ana kakaonimaki nakon bwai ni 12 kabane. A na tai kauomani buia rikan, ao ana tau aroia natia ma 13 oin aia utu n te aro ae riai. Bwa ake a rikan n te aro ae raoiroi ao a kareke neia n tei aika raroi ma te ninikoria ae bati n te onimaki ae i nanon Kristo Iesu

**Rikan boni mwane aika taani ibuobuoki ibukia unimwane ni kakoauai karaoan mwakuri n te ekaretia bwa karaoaki n te aro ae eti ao e riai. Tabeua katoto n aron mwakuri ni kateitei n taian auti, ibuobuoki nako ia kaara ao unaine aika mate buia ni kainanoia aika riai, ao tao ni katauraoi boki n anene ibukin te nebonebo ao te taromaui. N raonaki ma bwai toa aika tangiraki bwa a na tatauraoi n tainako**

## **Antai ngkanne aomata aika itiaki?**

Te taeka ae saint bon aomata aika a tia ni kataui maiuia. Kristian ni kabane ake a tia ni kataui maiuia. Ma ngaia are Kristian bon aomata naba aika itiaki

### **1 Korinto 1:2**

Nakon ana ekaretia te Atua are I Korinto, nakoia ake a kaitiakaki inanon Kristo Iesu, ake a wetaeaki bwa ana aomata te Atua, ma aomata ni kabaneia ake a taboa aran ara Uea are Iesu Kristo n tabo nako, are aia Uea ma ngaira

### **1 Betero 2:9-10**

9 Ao ngkami bon te roro ae rineaki, ae te koraki ni ibonga ni uea, ae te botanaomata ae itiaki, ae te natanaomata ae ana bwai te Atua, bwa kam aonga ni kaoti raoiroin nako Teuare weteingkami man te ro nasko ana otaae kamimi: akana tiaki te botanaomata ngkami ngkoa, ma bon ana botanaomata te Atua ngkai, akana ka maki nanoangaki ngkoa, ma kam nanoangaki ngkai.

**Te taeka ae Kristian, e boni kaineti nakoia taan ririmwin Iesu, ao 3 te tai atongana n te Bwaibara.**

**Ma te taeka ae itiaki e kaotaki taekana 61 te tai are a nanonaki iai aomata aikai.**

**Bon ti teuana te ekaretia ae kateia Iesu, ao E na kamaiua aika mena inanon ana ekaretia, ao boni Ngaia naba atun ana ekaretia anne are bon ti Ngaia naba ae bairei bwai ni kabane inanona aika ana karaoaki. Te reirei numbwa 6 e na taekini bwai aika E tangiri te Atua ao ni kantaningai bwa a riai ni karaoaki ngkana ti botaki.**